



Broj: 12-11-15-1063/22

Sarajevo, 13. 4. 2022. godine

Na osnovu člana 69. stav (2) tačka e) i člana 70. Zakona o javnim nabavkama („Službeni glasnik BiH“, broj 39/14) nakon provedenog postupka javne nabavke licenci Office 365 putem konkurentskog zahtjeva za dostavu ponuda za potrebe Ureda za reviziju institucija u Federaciji BiH za budžetsku 2022. godinu (obavještenje o nabavci broj: 296-7-1-15-3-7/22, objavljeno na Portalu javnih nabavki 9. 2. 2022. godine), generalni revizor donosi

ODLUKU

o poništenju postupka javne nabavke licenci Office 365

I

U postupku javne nabavke licenci Office 365 za potrebe Ureda za reviziju institucija u Federaciji Bosne i Hercegovine za budžetsku 2022. godinu putem konkurentskog zahtjeva za dostavu ponuda, Ugovorni organ donio je odluku o poništenju postupka s obzirom da je cijena drugorangirane ponude znatno veća od osiguranih sredstava Ugovornog organa za predmetnu nabavku.

II

Ova odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet-stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

IV

Ovom Odlukom, Odluka o izboru najpovoljnijeg ponuđača broj: 12-11-15-934/22 od 1. 4. 2022. godine stavlja se van snage.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-3367/21 od 21. 12. 2021. godine, pokrenuo je postupak za nabavku licenci Office 365 putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2022. godinu.

Obavještenje o javnoj nabavci broj: 296-7-1-15-3-7/22 objavljeno je na Portalu javnih nabavki 9. 2. 2022. godine.

Postupak je provela Komisija imenovana Rješenjem generalnog revizora broj: 12-11-15-3367-1/21 od 7. 2. 2022. godine, koja je sačinila: Zapisnik o zaprimanju ponuda broj: 12-11-15-3367-5/21 od 2. 3. 2022. godine, Zapisnik o otvaranju ponuda od 2. 3. 2022. godine, Analitički prikaz traženih i dostavljenih dokumenata-Kvalifikacija ponuđača broj: 12-11-15-3367-6/21 od 4. 3. 2022. godine, Zapisnik o pregledu i ocjeni ponuda broj: 12-11-15-3367-7/21 od 11. 3. 2022. godine.

U predmetnom postupku nabavke i nadmetanju, Ugovornom organu pravovremeno su pristigle ponude dva ponuđača i to: Printex d.o.o. i Logosoft d.o.o.

Na osnovu pregleda dostavljenih dokumenata ponuđača u odnosu na dokumente i zahtjeve tražene tenderskom dokumentacijom, utvrđeno je slijedeće:

- Ponuđači Printex d.o.o. i Logosoft d.o.o. dostavili su svu traženu dokumentaciju na način zahtjevan Tenderskom dokumentacijom i time dokazali da ispunjavaju kvalifikacione uslove utvrđene Tenderskom dokumentacijom.
- U predmetnom postupku primjenjena je e-aukcija.

- E-aukcija je održana dana 9. 3. 2022. godine u 12:30 sati;
- Na e-aukciju su pozvani ponuđači Logosoft d.o.o. i Printex d.o.o.
- prema izvještaju o toku i završetku e-aukcije, najpovoljniji ponuđač je Logosoft d.o.o.

Komisija je odgovornoj osobi ugovornog organa predložila da se u skladu sa članom 89. stav (1) Zakona o javnim nabavkama dodjeli ugovor ponuđaču Logosoft d.o.o. Sarajevo čija je ponuda prema kriteriju najniža cijena – ocijenjena kao najpovoljnija.

Dana 12. 4. 2022. godine izabrani ponuđač je Ugovornom organu dostavio dopis broj K: 110/22 od 11. 4. 2022. godine, koji je protokolisan kod Ugovornog organa pod brojem: 12-11-15-934-1/22.

U predmetnom dopisu izabrani ponuđač je između ostalog naveo: „nismo u mogućnosti prihvatiti i potpisati ugovor po uslovima i cijenama koje su važile na datum dostave naše ponude broj 015-13-SA/22-T“.

S obzirom da je cijena drugorangiranog ponuđača Printex d.o.o. znatno veća od osiguranih sredstava, Ugovorni organ je donio odluku kao u dispozitivu.

Pouka o pravnom lijeku:

U skladu s članom 99. i 101. Zakona o javnim nabavkama, protiv ove odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostavljeno:

- Logosoft d.o.o.
- Printex d.o.o.
- u spis predmeta nabavke
- a/a

